

天一閣藏明代方志選刊續編



嘉靖儀封縣志（河南）


嘉靖鄆城縣志（河南）


嘉靖鞏縣志（河南）

天一閣藏明代方志選刊續編


五九


上海書店




















儀封縣志錄目

圖考 建置沿革 星野 疆域 形勢 風俗

物產 田賦 戶口 職官 兵防 城池

黃河 公署 學校 科目 祠祀 陵墓

寺 宮室 古跡 名宦 人物 流寓

孝義 烈婦 藝文 遺文 災祥 雜誌

儀封縣志卷之上

竊謂志貴真真則實實則信信則傳向見志著
或失於觀察而天文地理有所舛錯或失於嗜好而
人物風景有所參差皆非傳信之體大道之公也輒

不揣量敢僭竊正寧關 疑不妄作後之君子幸憫
於斯

一圖考

二氣未剖萬品亡形亡形亡象害圖害名形象既立
圖數始存龍馬負之以出伏羲則之而畫凡得名必
得象倣輿圖志圖考志曰縣必有境匪圖無以觀廣
輪縣必有城匪圖無以觀向背縣必有治匪圖無以觀
其政縣必有學匪圖無以觀其教繪圖於冊展卷而
視不問不步舉在目中

建置沿革

唐虞儀邑爲冀州地夏商因之周屬衛國爲翟
人所滅齊桓公更封衛於河南楚丘而邑亦隸焉由
此入豫州地儀封人請見夫子即此也後不知何代河
水爲患徙於東明縣西二十里至今興定二年改爲
通安堡在沙溝南五百四十步有城至大九年罷堡
爲縣元以縣隸睢州至正二十八年實

國朝洪武元年達魯花赤木斌刺沙縣尹張士讓主簿劉毅
縣尉賈也先不花典史王居中問總兵徐達等領
兵至歸附遂以縣改隸開封府洪武二十二年河水爲
患遷於通安鄉鄉白樓村即今治也

縣治

縣治舊在舊縣城沙溝村西鬼張營東朔自元至大九年

國朝洪武二十二年圮於河遂南徙白樓村即今治知縣于

敬祖始建宣德癸亥知縣閻威補其欽制癸未

知縣胡澄修其規模成化庚子知縣張鳳騫更

加修置弘治十二年知縣張法重修正德十五年知

縣韓邦彥重修嘉靖二十八年知縣葛之奇

因地污蓄水積土重修

在中街中南向

大門譙樓一座三間

先聖過化碑亭一座在門外東

封人請見碑亭一座在門外西

衙神祠一所三間在門外東

二門三間

東西角門各一間

顧諟亭一座在門內

牧愛堂三間

儀仗庫三間在堂西

庫房三間在正堂西

幕廳三間在堂東

東吏房十五間吏戶總鋪長承

西吏房十五間兵刑工馬科

收糧房東西各五間在門內

官倉一所三間在縣堂東

預備倉一所廩四座各五間在縣

知縣正廳五間

後廳五間

東西房各三間

書房三間

管糧主簿門樓一座

在縣
堂東

正廳三間

後廳三間

東西房各三間

管河主簿門樓一座

在縣
堂西

正廳三間

後廳三間

東西房各三間

典史門樓一座

在兩山東

正廳三間

後廳三間

東西房各三間

東公廨房共五間

在典史房
南

西公廨房共五間

在管河主簿廳
南

獄神祠一間

男監房三所各三間

女監房三間

一星野

玄黃定位神氣交通在天成象在地成形有經有緯
或晦或明察識決於昏旦次屬視其州分知妖稜在
禎祥準璇璣志星野

志曰儀衛邑則星野白當屬衛按步天圖衛分并
州姬管之次在戌亥之間自危十三度入亥歷室
璧奎二度入戌則其星野似分危室及考禹貢兗
豫二州之域天文在角亢分野至於文獻通考又
皆以開封即魏梁爲古豫州之地其星當在房心
之次今儀封隸之亦當屬房心分野竊謂一定而不
可移者天地之形體也隨時而異稱者都邑之名